



Քաղաքային կոշտ թափոնների նախնական վերամշակման ծրագիր

Մրցույթ.

Վայր. Երևան, Հայաստան

Գործունեության ոլորտ. Թափոնների կառավարում

Ֆինանսավորման աղբյուր. Երևանի համայնքային բյուջե

Պայմանագրի տեսակ. Կոշտ թափոնների նախնական վերամշակման ծառայություններ

Ծանուցման տեսակ. Հետաքրքրվածության հայտի ներկայացման հրավեր (ՄՀՀ)

Հայտարարման օր. 17 փետրվարի 2017

Հայտերի ներկայացման վերջնաժամկետ. 15 մայիսի 2017՝ 17:00

Հետաքրքրվածության հայտի ներկայացման հրավեր

Երևանը Հայաստանի մայրաքաղաքն է, որի բնակչությունը կազմում է մոտ 1 մլն մարդ, ովքեր գեներացնում են մոտավորապես 350.000 տոննա/տարի քաղաքային աղբ: Ներկայումս, թափոնների տեսակները խառնված են և հավաքվում են առանց որևէ նախնական տեսակավորման, ինչպես նաև առանց երկրորդական տեսակավորման՝ մինչև աղբավայր տեղափոխելը: Աղբի հավաքման ծառայություններն իրականացվում են մասնավոր կազմակերպության կողմից, որը տրամադրել է Նոր աղբամաններ, բեռնատարեր և իրականացնում է 100% ծածկվածությամբ աղբահանություն: Ներկայումս, հավաքված խառը թափոնները չկանոնակարգված թափվում են տարբեր վայրերում: Այժմ Երևանի քաղաքապետարանը նախապատրաստում է մրցույթ՝ ժամանակակից աղբավայրի կառուցման և շահագործման համար:

Հայաստանում առկա է վերամշակման ենթակա թափոնների առևտուր, որը կրում է ոչ պաշտոնական բնույթ, սակայն վերամշակման շուկան պատշաճ կերպով զարգացած չէ: Օրգանական և վերամշակման ենթակա նյութերի առանձին հավաքում չկա: Նախկինում կատարված ուսումնասիրությունները վկայում են, որ թափոնների

բաղադրության մեջ առկա է կենսաբանորեն քայքայվող թափոնների բավականին մեծ բաժին:

Երևանի քաղաքապետարանը մտադիր է բարելավել առկա կոշտ թափոնների ծառայությունների չափանիշները և կառույցների/միջոցների իրավիճակը: Քաղաքապետարանը մտադիր է նաև ոլորտի իրավիճակը բնապահպանական համապատասխանելիության տեսանկյունից բարձրացնել և մոտեցնել եվրոպական չափանիշներին:

Այս ծրագրի հիմնական նպատակներն են՝

- Իրականացնել թափոնների վերամշակումը և վերականգնումը,
- Կրճատել կոշտ թափոնների կառավարումից առաջացած բնապահպանական և առողջապահական ազդեցությունները (թափոնների քանակի նվազեցում),
- Ստեղծել սոցիալական և տնտեսական շահույթ,
- Նվազագույնի հասցնել մնացորդային թափոնները, որոնք վերջում թափվելու են աղբավայրում,

Երևանի քաղաքապետարանն մեկնարկում է սույն չափարավորեցնող հետաքրքրվածության հայտի հրավերը, որպեսզի մասնավոր-համայնք համագործակցության միջոցով (ՄՀՀ) իրականացնի կոշտ թափոնների վերամշակման ներդրումային ծրագիրը:

Սույնով հրավիրում ենք հետաքրքրված կազմակերպություններին առաջարկել ցանկացած հաստատված/փորձարկված հաջողակ և բնապահպանական տեսանկյունից ընդունելի տեխնիկական լուծում:

Մասնակիցները պետք է ունենան կոշտ թափոնների կառավարման, տեսակավորված թափոնների հավաքման և/կամ վերամշակման փորձ:

Քաղաքապետարանը կգնահատի ներկայացված առաջարկները բնապահպանական, տեխնիկական և տնտեսական տեսանկյունից՝ ելնելով վերը նշված նպատակներից: Այնուհետև կհայտարարվի ծառայությունների մատուցման միջազգային մրցույթ այն պարագայում, երբ Երևանի քաղաքապետարանը, հիմք ընդունելով ներկայացված հայտերը, կորոշի, որ արդարացված է շարունակել այս ծրագիրը:

Առանձնահատուկ նախապատվություն կտրվի այն լուծումներին, որոնք քաղաքապետարանի համար կլինեն եկամտաբեր կամ չեն առաջացնի ծախսեր և առավելագույնի կհասցնեն կոշտ թափոնների վերօգտագործման և վերամշակման գործընթացները՝ ներառյալ կենսաքայքայվող աղբը:

Ընտրված կապալառուն պետք է նախնական վերամշակման ենթարկի առաջացած թափոնները (համաձայն մրցութային պայմանների) 15 տարի ժամանակահատվածում՝ պայմանագրի ստորագրման պահից սկսած: Կապալառուն պետք է ձեռք բերի ազգային օրենսդրությամբ սահմանված բոլոր թուլտվությունները, ինչպես նաև ֆինանսավորի, կառուցի/ապահովի և գործարկի կոշտ թափոնների ծրագիրը: Երևանի

քաղաքապետարանը կապալառուին կտրամադրի կուտակված կենցաղային աղբը, իսկ աղբի վերամշակումից առաջացող նյութերը և վերջիններիս վաճառքից առաջացող եկամուտը կպատկանի Կապալառուին, որի մի մասն էլ, համաձայն կնքվելիք պայմանագրի պայմանների (եթե այդպիսի դրույթ ամրագրվի պայմանագրում), կվճարվի Երևան համայնքին:

Պայմանագրի ժամկետի ցանկացած երկարաձգում կիրականացվի կողմերի փոխադարձ համաձայնությամբ և հիմնված կլինի կատարված աշխատանքների բավարար արդյունքի վրա:

Ենթակառուցվածքի կառուցման համար կարող են օգտագործվել համապատասխան մասնավոր կամ հանրային տարածքներ (օրինակ՝ վերականգնված հին աղբավայր):

Պոտենցիալ ներդրողները/կազմակերպությունները հրավիրվում են ներկայացնել հետևյալ տեղեկատվությունը, որպեսզի հաստատվեն նրանց համապատասխան կարողությունները և փորձը.

- Կազմակերպության մասին տեղեկատվություն՝ անվանում, կարգավիճակ, հասցե, հեռախոսահամար, ֆաքս, հիմնադրման տարեթիվ, ծրագրի համար կոնտակտային անձ, էլեկտրոնային հասցե, մշտական և ժամկետային աշխատողների մասին տեղեկատվություն, փորձի ոլորտները, նախկինում նմանտիպ պայմանագրերի իրականացման հակիճ նկարագրություն:
- Նմանատիպ աշխատանքների/ծառայությունների ցանկ հետևյալ տվյալներով. ծրագրի անվանում, պատվիրատուի անուն և կոնտակտային տվյալներ, վայրը, իրականացման տարիներ, տեխնիկական լուծումների հակիճ նկարագրություն (թափոնների տեսակներ, մշակման մեթոդներ և այլ), ամբողջ համակարգի կարողությունները և վերամշակման գործարանի կարողությունները, ֆինանսական արդյունքները պատվիրատուի համար (պատվիրատուի ծախսը կամ եկամուտը, միավոր գինը և այլն), պայմանագրի տեսակ և այլ համապատասխան տվյալներ լուծումների գնահատման համար: Այս ցանկին պետք է կցված լինեն հաստատող փաստթղթեր, ինչպիսիք են՝ պայմանագրեր, հաջող իրականացման և շահագործման երաշխավորագրեր և այլն:
- Տեխնիկական առաջարկ (առավելագույնը 20 էջ)՝ ներառյալ թափոնների տեխնոլոգիական վերամշակման տեխնիկական նկարագրություններ, թափոնների հոսքի մասին տեղեկատվություն, Էներգիայի /վառելիքի /ջրի/քիմիական նյութերի պահանջների, վարձվող անձնակազմի վերաբերյալ տեղեկատվություն:

- Մոտավոր ֆինանսական առաջարկ (ներդրումները, քաղաքապետարանի համար տնտեսական արդյունքը, ժամկետները), ինչպես նաև իրականացված նմանատիպ ծրագրերի հղումներ/երաշխավորագրեր, որոնք կարող են հավաստել մոտավոր ֆինանսական առաջարկի իրատեսականությունը:

Չետաքրքրվածության հայտերը թղթային կամ էլեկտրոնային տարբերակով պետք է ներկայացվեն հետևյալ հասցեով (անձամբ կամ փոստով) մինչև 2017 թվականի մայիսի 15 ժամը՝ 17:00 (տեղական ժամանակով): Հավելյալ տեղեկություն կարելի է ստանալ հետևյալ հասցեով, տեղական ժամանակով ժամը 10:00-ից մինչև 17:00:

Երևանի քաղաքապետարան

տիկին Նորա Մարտիրոսյանին, nora.martirosyan@yerevan.am

Հասցե՝ Բուզանդ 1/3, 5-րդ հարկ , 514 սենյակ

Հեռ՝ + 374 (10) 52-09-73

պատճենը՝

Երևանի քաղաքապետարան

պարոն Վարդան Կարապետյանին, vardan.karapetyan@yerevan.am

Հասցե՝ Բուզանդ 1/3, 5-րդ հարկ , 514 սենյակ

Հեռ՝ + 374 (10) 52-09-73